

مطبعه و محل اداره :

جفال اوغلنده امنیت
صندوغی جوارنده
شنگول یقوشنده
۲۷ نومرو

مُشَاقَقَاتُ صِرَاطِ

۱۳۲۶

سلکمه موافق آثار
جدیده مع المنونه
قبول اولنور

درج ابدله بن آثار اعادة اولنور

دیر ، فلسفه ، علوم ، حقوق ، ادبیات تاریخ ، سیاسیانده و بالخاصه احوال و مشوره اسلامیه در بحث ایدر و هفته ده به نشر اولنور .

آبونه بدلی

صاحب و مؤسسلری :

ابوالعلا زین العابدین - ح . اشرف ادیب
تاریخ تأسیسی

۱۰ تموز ۳۲۴

در سعادتده نسخہ سی ۵۰ باره در

قیرله دن مقوا بورو ایله کوندریلیرسه سنوی

۲۰ غروش فضله آلنور

سنه لکی	القی آیلانی	غروش
مالک عثمانیه ایچون	۶۵	۳۵
روسیه	۶۵	۳۵
سائر مالک اجنبیه	۱۷	۹

« ویوژون علی انفسهم ولوکان بهم خصاصة »

[بلکه انلری کندی نفسارینه - احتیاج و ضرورتلری اولسه
بیلهینه - ترجیح و تقدیم ایدرلر ،] بوتون امللری انلرک تهوین
و ضرورتی ! بوتون آرزولری انلرک ترفیه معیشتی ! انلرک مکده
ترله ایملرکری ماللرینک تأثرات ضروریه بشریه سنی اونوتدیرمق !
انلره «جرتک او آجی ، او الم افروز دردلرینی حس ایتدیرمه مک !
انلری ایوا واسکان ایتک ! انلره کریمه شفقت و مرحمت دو کدرک ایکی
یورغاندن برینی ، بر باغچه نک نصفی ، کیسه لرنده کی نقدک یارینی
تقدیم و اهدا ایتک ! کوردیکریمی ؟ ایشته حقیقی توحید بویه اولور
روحي اتحاد بوکا دینیر !

بو لایتزلزل بنیان مرصوص اتحادی وجوده کترین معنای ازلی
توحیددر ، توحید حقیقی و شهودیدر . بوتون او محترم لسانلر
قلبلرینک ، روحلرینک ترجمانی اولمق اوزره حضور اقدس جناب
پیامبر اعظمی ده (علیه الصلاة والسلام)

« انت احب الینا یا رسول الله من جمیع اموالنا و اولادنا بل
من انفسنا ! فدنیک روحن و نحمده الله علی ذلک ! » دیورلردی .
بو سودالر ، بو عشق و غرامار ، بو فدارلر ، بو حمد و ثنالر
« لایؤمن احدکم حتی اکون احب الیه من والده و ولده و الناس اجمعین
بخاری : کتاب الایمان »

[سزدن هیچ بریکرتا که بنی کشدیسنه پدردن ، اولادندن بوتون
جهان انسانیتان دها سوکیلی اولدقجه ایمانک رتبه کمالی احراز
ایده مزه]

خطاب جمیل القدرینک جواب اجابتی اولیوردی .

مابعدی وار

محمد فخرالدین

تأییل طبیعت :

لیله زاهره

خولیا نعل تصور ایلرسه اولله علوی ؛
صنعت نه درلو تصویر ایلرسه اولله ذیلی ؛
زمزمه اکرم بک

ینه هر بر بیاضه پوشیده ،

ینه هرشی پر انجلا ، شفاف ؛

اویویور وجد ایچنده هپ اطراف ،

آقور شعر ایچنده هپ اشیا ؛

صانکه بر سیل سمرمدی ضیا

کچور جوشش خموشیده !

**

جو پیروز ایچنده بر نوار ،
کوموش آویزه جلا-قوار
دوکویور صاف خنده سیاه ..

آسمان بر فسیحه رونق ،
ده کنز آلتندد حوضه زیبق ،
دلنلر رقص جوهرین مذاپ ..

ماورای قضایه اکشاده
بر بوبوک نقبه مدوردن
ایذور بر شلاله روشن ؛

ایذور ساکستانه ایماده ،
ایذور هپ جباله ، آفاقه ،
ایذور بر و بحر براقه ..

رنکار نور ایچنده بیقانیور ؛
کولکلر لعله لاله چالقانیور ؛
هر طرف القاعزار سراب ..

ذره لر ریزه دانه بلور ؛
قطره لر نجم پاره منثور ؛
جویلر سلسیلدن میزاب ..

نفخات هوا بیله نوار ؛
نسیور ایشته رفرف انوار ؛
ینه اوراقی رعشه لندیردی :

سوسو بریغین زرین کله بک
پارلیور جنبش جناح ایدرک ؛
ینه دالاره باش اکدیردی ..

باغچه لر لاله زار شعر و شغف ؛
شیمدی کللر ، شکوفه لر یریر
خنده زر ، تبسم جوهر ؛

برکلر ، زمردین ، لب مبهوت ؛
لاله لر بر پیاله یاقوت ؛
زاله لر در شعله دار نجف ؛

— ۲۷ تموز ۱۳۲۷ —

ف . صاحب

اسلامده فن و فلسفه

بشجی عصر هجری به نظر جمالی — در دنجی عصر هجری ده
لوی معظم اسلامیت آلتنه صیفینان بلادک هر طرفده اعتلا ایدن
افکار فیه — مملکتی هرج و مرج و مرکز ثقلی صیق صیق دیکشدرن
اختلالاره رغماً — بشجی عصرده ساز صلمقسزین ینه ترقی و انکشافه
دوام ایلمشدر.

فصلیات زائده کیر مکسزین بوعصرک الکزیاده کوزه چاریان
خطوط اساسیه سنی ترسیم ایدلم.

خلافای عباسیه اولکی دبدبه و دارالتدینی غائب ایتدکن باشقه
وظیفه اصلیه لرینه اونوتهرق بغداده قاپایور و امرای متغلبه نک
زیر صیانت و وصایتلرینه التجایه مجبور اولیورلر.

هر طرفده طوائف ملوک باش کوستریور و مالک اسلامیه خونین
استرقاباته جدالگاه اولیور.

بویباره خلف اولان سلجوقیلر شوهرج و مرجی موقتاً تسکینه
موفق اولیورلر. بیک الی بش سنه میلادیسنه مصادف دورتیوز قرق
در دنجی سنه هجریه سنده آلپ آرسلان مظفر آ بغداده کیریور
و بوتاریخدن اعتباراً خلیفه لک نفوذ و سلطنتلری کاملاً امیرالامرازه
انتقال ایدیور. خطبه لرده امرالک ده نامی ذکر اولنیور. فقط هر شیده
هر درلو قاریشقیقلقلره رغماً نشر علوم و حمایه ارباب فنون و وظیفه
مقدسه سی بودقمدهده امیرالامرازل طرفدن کمال جدیت و غیرته ایضا
ایدلیکی کوریلیور.

آل بومیدن مشهور « عضدالدوله » بغدادی اعمار و شهرتکیر آفاق
اولان « مارستان عضدی » بی انشا و تأسیس ایدیور. آلپ آرسلان
« نظام الملک » کی رذاتی مقام وزارتیه اعلا ایدرک قدر شناسلغنی، اداره
ملک خصوصنده کی مزیت و رویتنی کوستریور. خانی و سلجوق
خاندانک الکبوک، الکنجیب برسیای معالیمی اولان « ملکشاه » ده
آلپ آرسلانک اثرینی تعقیب فضیلت اخلاقیه سنده تولنهرق امانی
اهلنه تودیع یعنی نظام الملکی مقام وزارتیه ابقا ایدیور.

نظام الملک یالکیز مدبر بر وزیر، صاحب رویت بر حکومت
آدمی، محب معارف بر صاحب بصیرت کی مزایای عالیله ابرازیله اکتفا
ایمیور، عینی زمانده عصرینک الکبوک اعظم ارباب علمندن معدود
اولدینی ده بالفعل کوستریور.

هرات، اصفهان و بصره ده برجوق مدارس، متعدد مکاتب انشا
ایتدیریور.

فقط بومؤسسات میانده برنجیلکی بغدادده اعلا ایتدیکی مشهور
« مدرسه نظامیه » احراز ایدیور. بوراده اسحق شیرازی کی
عصرک الکبوک داهیلری تدریسات علمیه ده بولنیورلر. نظام الملک
بو طرفده بوتون غیرت و فطانتله نشریات علمیه و مدنییه جالیشیرکن
دیگر طرفده « حسن صباح » کنندی درس رفیق اولان بو اعجوبه
خلقت قبلره، وجدانلره حاکم اولمغه جالیشیور، جهانی هرج و مرج

ایتدکن چکنمبور. نهایت بو ایکی داهیه فطرت چاریشمهده مجبور
اولیورلر.

حسن صباح درویش قیافته صوقدینی بر سفیل یدیه، نهانده
کیدرکن، نظام الملکی خنجرله تیور، عالم اسلامک بواب مشفقنی شهید
ایتدیریور. ... شرق غزنویلرک ظهوریه پارچالانیور و بو صورتله
مرکزک قوتی بسبتون زائل اولیور. مع مافیه « سلطان محمود غزنوی »
رفاقتنده ابوالریحان البیرونی و فردوسی طوسی کی اعظمی بولندیرمقله
افتخار ایدیور و ارباب علم و عرفانی مستغرق عاطفت ایتکه جالیشیور.
محمود غزنوی، نام عرفانیهای شهرتکیر آفاق اولان ابن سینایی ده
مرکز سلطنتی اولان (غزنه) به دعوت ایدیورسده قوجه حکیم
حریت و استقلالنی محافظه ایتکی وزارتیه ترجیح ایدیور.

مصر، استقلالنی محافظه قیدیه انواع مصائب ایچنده بوارلاندینی
کوریلیور. بک احمق بر حکمدار اولان (حکم) بر طرفدن ارباب
عالی حمایه غیرتی کوستریورسده دیگر طرفدن معارضلرینی برر بر
اعدامدن چکنمیور.

مستصبرک دوره مدیده حکومتی طاعون، قحط کی آفات سماویه،
زنکن کتبخانه لک یغما و تخریبی مثالی فلاکت علمیه لرله کچیور
و نهایت وزیر شهرتشار (بدرالدین جمالی) مصرده آسایش و رفاهی
تقریر و اعاده ده موفق اولیور.

اسپانیاده دخی عینی حال مشاهده اولنیور: اختلالات داخلیه
آره سنده امویه خاندانی سونیور، امرای داعیه استقلاله دوشیور، اندلس
کی برکبن معرفت پارچه پارچه ایدیلیور. قانی ملحمه لر، مدهش
یانغینلر اثناسنده پک قیبتدار کتابلر محرو اولیور.

مع مافیه بوتون بوفاجمه لره رغماً کرک شرق و کرک غرب اسلاملری
آره سنده علوم و فنون سیر فیاضنده دوچار توقف اولیور، خارقه نما
برسر عتله متصل ایلریله یور، صفحات تکاملک درجاتی صره سیله قطع
ایدیور.

بوعصرده علوم طبیعی و طبیه و ریاضیه ایله بالخاصه فلسفه نک
راشتقامت معینه تعقیب ایتدیکی و برنوع خصوصیت تکاملیه قازاندینی
کوریلیور، یالکیز شکلاً دکل، اساس اعتباریه ده در دنجی عصری
کولکده بر اقدیره حق مؤلفات عظیمه انتشار ایدیور. بواثرلر آره سنده
الی الابد شهرتقینی محافظه ایدن مخلصات علمیه ده تصادف اولنیور.

بشجی عصر ترقیات فکریه ریاست و پیشدار لغنده ابن سینایی
کوریوریور. ابن سینا، راضی دن ده ممتاز بردها ایله فن و فلسفه بی ده
متین اساسلر، ده رصین مه تودلر اوزرینه بنسا ایتکه جالیشیور
و موفق اولیور. ابن سینا سایه سنده طبابت ده واضح بر شکل اکتساب
ایدیور.

راضینک (الحاوی) سندن دها واسع بر بیلان تعقیب ایدن
(قانون)، دهاصیقی برمه تود تحتنده فن طبک، بوتون شعباتی حوضه
تدقیقه آلیور و طبابتک تاروخنه اجرای تأثیر ایدیور.

قانون، یالکیز عالم اسلامده دکل، غریبه، بوجهان خرسیتانیت ده